

ԳԻՏԱԿԱՆ ԼՐԱՏՈՒ

ՃԱՆԱԶՎԱԾ ՓԻԼԻՍՈՓԱ-ԳԻՏՆԱԿԱՆԸ

(Վ. Չալոյանի ծննդյան 60-ամյակի առթիվ)

Լրացավ Հայկական ՍՍՐԻ ԳԱ փիլիսոփայության և իրավունքի սեկտորի ավագ գիտաշխատող Վազգեն Կարապետի Չալոյանի ծննդյան 60 և գիտական գործունեության 35-ամյակը:

Չալոյանը Սովետական Հայաստանի փիլիսոփայական-գաղափարական ճակատի ավագ ուսերնդի ճանաչված ու հարգված դեմքերից մեկն է: Նա ծնվել է 1905 թ. Լենինականում, բանվորի ընտանիքում: Սկզբնական կրթությունն ստացել է ծննդավայրում, իսկ հետագայում Երևանի Արովյանի անվան դպրոցում: Ընդունվելով Երևանի պետական համալսարանի հասարակական գիտությունների ֆակուլտետը, նա 1926 թ. հաջողությամբ ավարտում է այն:

Չալոյանը մի շարք տարիներ, մինչև 1930 թ., զբաղվել է մանկավարժական գործունեությամբ: Այդ տարիներին, ուսուցչի պաշտոնով, նա աշխատել է Երևանի Արովյանի, Մյասնիկյանի անվան դպրոցներում և տիխնիկական մի շարք հաստատություններում:

Մուտքը փիլիսոփայության բնագավառը մեր հորեւրը կատարել է 1931 թ., կարդալով դիալեկտիկական և պատմական մատերիալիզմի կուրսը, սկզբում բժշկական ինստիտուտում, իսկ հետագայում, մինչև 1934 թ., Երևանի պետական համալսարանում: Դասախոսական աշխատանքներին զուգահեռ 1930—1934 թթ. նա միաժամանակ վարել է Երևանի միացյալ՝ կերպարվեստի պատմության և գրականության թանգարանի դիրեկտորի պաշտոնը: 1934 թ. Վ. Չալոյանը ընդունվում է Մոսկվայի պատմա-փիլիսոփայական ինստիտուտին կից ասպիրանտուրան փիլիսոփայության պատմության գծով, իսկ 1938 թ. աշխատանքի է անցնում ՍՍՐՄ գիտությունների ակադեմիայի Հայկական ֆիլիալի պատմության ինստիտուտում: Սկսելով իր գործունեությունը կրտսեր գիտաշխատողից, նա Հայաստանում առաջինը հասել է փիլիսոփայական գիտությունների դոկտորի կոչման:

Ակադեմիայում գիտական ասպարեզ մտնելու առաջին իսկ օրից, Վազգեն Չալոյանը կողմնորոշվում է դեպի Հայ ժողովրդի փիլիսոփայական մտքի պատմության ուսումնասիրությունը, որին նա նվիրել է իր կյանքի 25 տարիները:

Բազմաթիվ են Վ. Չալոյանի գրչին պատկանող հեղինակությունները: Նրա անդրանիկ աշխատությունը նվիրված է 5-րդ դարի Հայ անվանի մտածող Նզնիկ Կողբացու փիլիսոփայական հայացքներին: Այս աշխատության մեջ նա առաջին անգամ, մարքս-լենինյան փիլիսոփայության դիրքերից, ձգտել է արժեքավորել Նզնիկի ժառանգությունը և հանձին նրա վեր է հանել հին Հայաստանի փիլիսոփայական մտքի զարգացման ականավոր գործչի հայացքների փիլիսոփայական սխեման:

Մյուս նրա ուսումնասիրությունը նվիրված է Հայ փիլիսոփայական մտքի կարկառուն ներկայացուցիչ Դավիթ Անհաղթի փիլիսոփայական ուսմունքի թննդատական վերլուծությանը, որը գիտական մեծ արժեք ունեցող հետազոտություն է: Սույն ուսումնասիրության արժեքն այն է, որ



ներա հեղինակը մի նոր աստիճանի բարձրացրեց 'Դավիթ Անհաղթի մասին եղած մեր պատկերացումները. Դավիթ Անհաղթին ներկայացրեց իր ողջ խորությամբ ու հասակով:

Երկար տարիներ շարունակելով իր ուսումնասիրությունները հայ փիլիսոփայական մտքի հուշարձանների, նրա առանձին ներկայացուցիչների ուսումնասիրության ասպարեզում, Զալոյանը բազմաթիվ հոգվածներ է հրապարակում ինչպես մեր ռեսպուբլիկական, այնպես էլ միութենական ամսագրերում: Նա գրում է Ստեփանոս Լեհացու, Որոտնեցու, Շիրակացու և շատ ուրիշների փիլիսոփայական, բնագիտական հայացքների, արևելքի ժողովուրդների համաշխարհային փիլիսոփայական մտքի զարգացման մեջ ունեցած դերի, հայ փիլիսոփայության պատմության հանգուցային և այլ հարցերի մասին:

Իր բազմամյա հետազոտությունները, ի վերջո, նա ամփոփում է 'Հայ փիլիսոփայության պատմություն' մեծածավալ աշխատության մեջ: Այս ծանրակշիռ ուսումնասիրության մեջ Վազգեն Զալոյանը, օգտագործելով բազմաթիվ ձեռագիր ու տպագիր նյութեր, տվել է հայ փիլիսոփայական մտքի սիստեմատիկ գիտական շարադրանք՝ սկսած նրա ձևավորման շրջանից առ 18-րդ դարը: Այդ աշխատությամբ գիտնականը խոշոր ավանդ է մուծել հայ փիլիսոփայական մտքի պատմությունն ամբողջացնելու ու զնահատելու գործում:

Վազգեն Զալոյանը առանձին ուսումնասիրություն է նվիրել նաև հայկական ունեսանսին. 'Վերագնահատելով 10—13-րդ դդ. հայ ժողովրդի մշակույթի շատ արժեքներ, նա ցույց է տվել, որ հայերը դեռևս եվրոպական ժողովուրդներից առաջ ապրել են մտավոր հեղաշրջման մի կարևոր էտապ՝ վերածնունդ: Ակադեմիկոս Կոնրադը նշել է, որ Զալոյանի այդ աշխատությունը, ըստ էության, առաջին խոշոր մենագրությունն է ոչ եվրոպական ժողովուրդների Ռենեսանսի՝ վերածնության վերաբերյալ:

Մեծ է նաև Զալոյանի ծառայությունը հայ փիլիսոփայական միտքը Սովետական Միության և այլ ժողովուրդների սեփականությունը դարձնելու ուղղությամբ: Այս խնդրում նա իրեն դրսևորել է որպես իսկական հայրենասեր: Բազմաթիվ են այն աշխատությունները, որոնց մասին մեր հորեկյարբ ընդթաղրումներ է տվել Սովետական Միության մեծ հանրագիտարանում, փիլիսոփայական հանրագիտարանում և ՍՍՄԸ ժողովուրդների փիլիսոփայական մտքի պատմության նվիրված հրատարակություններում: Քիչ չեն Վազգեն Կարպիչի այն հոգվածները, որոնք հրատարակվել են Սովետական Միությունից դուրս՝ արտասահմանյան մամուլում և ամսագրերում:

Վազգեն Զալոյանը մեծ ծառայություններ ունի նաև հայ փիլիսոփայական մտքի հուշարձանները հրատարակելու գործում: Նրա այդ շնորհալի գործունեությամբ հայ անցյալի մտածողների ձեռագիր աշխատությունները մատչելի են դառնում ոչ միայն հայ ժողովրդի, այլև ուսու և օտարերկրյա բնակիչների:

Վազգեն Զալոյանը անդրկովկասյան և միութենական բազմաթիվ փիլիսոփայական գիսկուսիանների ակտիվ մասնակիցներից է:

Ձի կարելի չենել գիտնականի մեծ վաստակը փիլիսոփայական որակյալ կադրեր պատրաստելու գործում: Ակադեմիայի փիլիսոփայության և իրավունքի սեկտորի, ինչպես նաև բուհերում և գիտահետազոտական հաստատություններում աշխատող կադրերի մի զգալի մասը նրա նախկին սաներն են: Ներկայումս էլ նա հաջողությամբ օգնում է երիտասարդ և ավագ գիտական կադրերին, նպաստում գիտությունների պաշտպանության կազմակերպմանը:

Վազգեն Զալոյանը այժմ ղեկավարում է Հայկական ՍՍԻ գիտությունների ակադեմիայի փիլիսոփայության և իրավունքի սեկտորի հայ փիլիսոփայության պատմության խումբը: Սկզբունքայնություն, օրյակտիվություն, մարդասիրություն—ահա նրա գործելակերպի հիմնական հատկանիշները: Չնայած իր 60-ամյա տարիքին նա դեռևս լի է ստեղծագործական ավյունով:

Վերջերս անխոնջ գիտնականի աշխատանքը մի նոր, բարձր զնահատության ևս արժանացավ: Վ. Զալոյանն ընտրվեց Հայկական ՍՍԻ գիտությունների ակադեմիայի թղթակից-անդամ:

Ա. ԹԵՎՈՅԱՆ